

Gvangjsih Hajnduj Aen Cawjdaez Vwnzva Hozdung Lajmbanj Saenqhwnghwng

广西乡村振兴主题文化活动启动

12 nyied 9 hauh, Aen “Gvangjsih Ndei Lajmbanj Gyaeu” Cawjdaez Vwnzva Hozdung Lajmbanj Saenqhwnghwng Gvangjsih youq Nanzningz Si Sihyanghdangz Gih Mbanjcunghliengz haiguh. Hozdung daj bineix 12 nyied ndawco guh daengz bimoq 12 nyied. Buek hozdung miz lwnhgangj lijlnh、vwnzva gohgi veiswng “sam haeuj mbanj”、majlahsungh、ciet fungsou nungzminz daengj, aeu neix gyavaiq nungzyez vwnzva caeuq lijyouz doxyungz, coenghregz lajmbanj saenqhwnghwng.

(Yi Sienghceenz/喻湘泉)



▲ Hekyouz cimz gaiq gwn miz daegsaek gih raeuz.

Yungzanh Guh Gaiq Daihcibsam Ciet Lijyouz Vwnzva Makgaemjgaet

融安举办第十三届金桔文化旅游节



▲ Aen ciet makgaemjgaet haimuq, cezmuz lai.

12 nyied 9 hauh, Yungzanh Yen bi 2022 Gaiq Daihcibsam Ciet Lijyouz Vwnzva Makgaemjgaet haimuq. Yienhciengz hozdung youh lai youh ndeyawj, lumjbaenz guh hozdung “mbaw geiz aendangj dazyinx lajmbanj saenqhwnghwng, gou bang ranzmabanj gangjah” fat baiz, caiq fat ciengj hawj bouxvunz aeu ndaej mingzdaeuz makgaemjgaet vuengz daengj. Seizneix, daengx yienh ndaem le ngeihcib it diemj haj fanh moux makgaemjgaet, canj ok ngeihcib ngeih diemj it fanh dun mak, daengx aen canjnieb aiq dij hajcib ngeih diemj seiq ik maenz ngaenz.

(Veiz Yungzginh/韦荣军 Veiz Gangh/卫 纲)

Nanzdanh: Hagsib Lwnhgangj Cing-saenz Ngeihcib Daih Dangj Raeuz

南丹:学习宣传党的二十大精神

12 nyied 9 hauh, Nanzdanh Yen Cungigunghvei ciu le caetcib lai boux ganbu gunghvei yienh de hagsib gvancez cingsaenz Ngeihcib Daih Dangj raeuz. Aen hoih dawz cingsaenz Ngeihcib Daih yungz haeuj hong baujchang gienzik gunghvei caeuq cwngecwz bangrex cizgungh hojnanz bae, dazyinx gyoengq ganbu vunzlai guhsaed cingzsaenz Ngeihcib Daih, caemhcai q guh ok makbaenz hung.

(Veiz Loz/韦 罗)



▲ “Minzcuz doxgiet hauh” gunghgyauhceh fat ci lo.

“Minzcuz Doxgiet Hauh” Gunghgyauh Ciensienq Binhyangz Fat Ci

宾阳“民族团结号”公交专线发车

12 nyied 9 hauh, Binhyangh Yen guh yizsiz “minzcuz doxgiet hauh” ciensienq fat ci. Neix dwg hozdung cawjdaez saedguh aeu cansien dungjiyiz bangcoh couqmaenh gij eijsik caezcaemh Cunghvaz Minzcuz. Ciensienq gungh seiq diuz, miz ngeihcib it aen gunghgyauhceh.

Gyauej ci hauh ok “minzcuz doxgiet hauh”, ndang ci caiq miz cih saw “Cunghvaz Minzcuz ranz caen ndeu caezsim cuk aen loqsiengj Cunguek” caeuq gij doz maksigloux、lwngyez foux bauqlungz daengj.

(Danz Gezfangh/谭洁芳)